


# „RIETSTRA“



Pleats ~~van~~  
Rietstra oan de  
Biggemar.

Doe't ik de floreenkohieren fan Grou neist de kaert fan Eekhoff lei kaem ik ta de ûntdekking dat der foarhinne yn 'e Bird noch mear pleatsen stien hiene dan der nou binne. De nammen dy't ik neffens de kaert fan Eekhoff útsocht hie en de pleatsen dy't der nou noch wiene, wiene Rietstra en de Modderwier.

Fierder de Bird yn kaem Sytsema en dan folge in pleats hwerfan de binnenner gjin namme wist, mar dy't yn de floreenkohieren oanjown waard as Burnia en op de kaert Bernia. Dat Burnia like my noch al oannimlik, nei de namme fan it farwet-

ter de Bird dêr't de pleats oanleit.

Mear nei it easten kaem de pleats Binnema en noch fierder de eastkant út de beide lêste mei in âlde namme „Klein en Groot Jetsma“. Ek kaem ik noch de namme Klein Blijma tsjin en 2 x Groot Blijma. floreenû, 59, 60 en 61, meielkoar great plm. 66 ha. Dizze pleatsen binne net mear op de kaert fan Eekhoff te finen en ek net yn de Bird. Ik tink dat se forkocht en útelkoar rekke binne. Der binne wol in pear lytse buorkerijen bykommen, mar dy ha gjin histoaryske namme.

Ik wol bigjinne mei Rietstra, de

pleats dy't oan 'e kant fan 'e Biggenar leit, mei de Mear foar de ruten. Der stiet nou in kreaaze stjelp en ik wit noch as bern dat dy pleats boud s. Dêrfoar moat der noch in âld anghûs stien ha mei in heaberch oan e side (sjoch beide foto's).

Mei sokke prakkesaesjes fytste ik nou it hiem op, der't men earder bars net komme koe as mei in roeiskou. Ik trof de boer, Tjeerd Wartena, thús. Fanôf 1956 buorke hy dêr nei syn frou Tjemmy Cnossen. Sokke jonge lju witte wol hwat se dwaen moatte; 20 ha lân hwerfan 8 ha yn e Boarch-krite en dan noch 8 pounsniet yn it wynlân. „Wy melke in 6 melke kij en hâlde dêrnjonken noch it nedige jongfe”.

Fan 1941-1956 ha Hindrik Keidel en Sijke van der Goot der buorke en foar har wennen Sjoerd Klazes Hiemstra en syn wiif Boukje der. Doe't ik in lytse jonge wie wie Klaes Sjoerds Hiemstra der boer dy't letter nei Wergea forhuze is. Hwa't der foar him wenne hat wit ik net mar k ha fortellen heard fan in Sytema. De hear G. Grondsma is nou eigener. Neffens de floreen- en stimkôrieren wie it yn earder tiid sa: 1 stimdragende pleats ûnder nû. 51 yn beide kohieren.

1858 Petrus Adrianus Bergsma

eigener, Melle D. van der Meer brûker.

1850 Fruchtbrûker Jhr. Ph E. A. Vegelin van Claerbergen eigener, Mr. Bergsma en erven fan Petrus Adrianus Bergsma, selde brûker. De pleats wie doe bilêstber foar 14 bunder, 69 roeden.

1838 Ph. Vegelin van Claerbergen eigener, Rienk D. van der Meer brûker.

1818 en 1828 as yn 1838.

1798 Old grytman C. van Scheltinga eigener, Douwe Rienks brûker.

1788 Selde eigener en brûker.

1778 nû. 31. Grytman van Scheltinga eigener, Eeltje Douwes brûker.

1768 As yn 1778.

1758 A. C. van Scheltinga Jr. eigener, Antje Fokes brûker.

1748 Selde eigener as yn 1758, Jacob Fokes brûker.

1738 H. C van Scheltinga eigener, Foke Martens brûker.

1728 Widd. fan Hector van Glinstra eignerske, Foke Martens brûker.

1718 As yn 1728.

1708 Grytman Hector van Camstra eigener, Foke Martens brûker.

1698 Selde eigener en brûker as yn 1708.

1640 Erfgenamen fan boargemaster Sint Ypkes en Obbe Joukes eigener, Foke Martens brûker. d. H.